

中华古典文学丛书



焦氏易林(二)

责任编辑：陈国勇

(68)



广州出版社

中华古典文学丛书

焦氏易林

(二)

(68)

广州出版社

图书在版编目(CIP)数据

中华古典文学/丛书. 陈国勇 主编. 广州出版社. 2003. 2

ISBN 7-5363-3732-9/Z·419

I. 中华... II. 古... III. 文学

中国版本图书馆 CIP 数据核字(2003)第 082275 号

中华古典文学丛书

主 编:陈国勇

广州出版社

广州凯旋印刷厂

开本:787×1092 1/32 印张:416.5

版次:2003 年 2 月第 1 版第 1 次印刷

印数:1-3000 套

书号 ISBN 7-5363-3732-9/Z·419

定价:(全套 98 本)868.80 元

变豫 不知何孙，夜来扣门，我慎外寝，兵戎旦来。

变随 昧旦不明，日暗无光，丧灭失常，使我心伤。

变蛊 江阴水侧，舟楫破乏，狐不得南，豹无以北，虽欲会盟，河水梁绝。

变临 神之在丑，逆破为咎，不利西南，商人止后。

变观 然诺不行，欺天误人，使我灵宿，夜归温室，神怒不直，鬼击无目，欲求福利，适反自贼。

变噬嗑 攘臂极时，怒不可止，狼戾愎恨，无与为市。

变贲 贩马卖牛，会值空虚，利得鲜少，留连为尤。

变剥 高楼陆处，以避风雨，深堂邃宇，君安其所，牝鸡之晨，为我利福，求得弗得。

变复 阿衡服箱，太乙载行，逃时历舍，所之吉昌。

变无妄 飞来之福，入我居室，以安吾国。

变大畜 不孝之患，子为母残，老耄莫养，独坐空垣。

变颐 南过棘门，钩裂我冠，斫之伤襦，使君恨忧。

变大过 重门射平，不知所定，质疑蓍龟，孰可避火，明神报答，告以牺牲，宜利止居。

变坎 麟麇凤雏，安乐无忧，捕鱼河海，利逾徒居。

变离 新田宜粟，上农得谷，君子怀德，以干百禄。

变咸 簪短带长，幽思苦穷，终蠹小瘦，以病之隆。

变遁 争讼之门，不可与邻，出入为忧，生我心患。

变大壮 朽根枯株，不生肌肤，病在心腹，日以焦劳。

变晋 雨师娶妇，黄岩季子，成礼就婚，相呼南上，膏我下土，年岁大茂。

变明夷 冬采薇兰，地冻坚难。利走失北，一无所得。

变家人 昧之东城，误过虎邑，失我熊羆，饥无所食。

变睽 日莫闭目，随阳休息，箕子以之，乃受其福，举首多言，必为悔残。

变蹇 蓼萧凄凄子龙光，鸣鸾雍雍，福禄来同。

变解 鸟飞无翼，兔走折足，虽不会同，来得医工。

变损 五胜相残，火得水息，精光消灭，绝不长续。

变益 东资齐鲁，得驛大马。便辟能言，巧贾善市。八邻并户，请火不与。人道闭塞，鬼守其宇。

变夬 争鸡失羊，亡其金囊，利不得长，陈蔡之患，赖楚以安。

变姤 九登十陟，马跌不前，管子佐之，乃能上山。

变萃 东邻愁苦，君乱天纪，甘贪禄宠，必受其咎。意合志同，自外相从，见吾伯公。

变升 三狸捕鼠，前遮后阻，死于环城，不得脱走。

变困 狼虎争强，礼义不行，兼吞其国，齐晋无王。

变井 五岳四读，合润为德，行不失理，民赖息福。

变革 六月种黍，岁晚无雨，秋不宿酒，神失其所。先因后通，与福相逢。

变鼎 暌牝龙身，日取三千，南上苍梧，与福为婚，道理夷易，身安无患。

变震 出入休居，安止相忧，上室之权，虎为委残。

变艮 南心吴天，刺政闷身，疾病无辜，背憎为仇。

变渐 苍耳东从，道顿跳踣。日辰不良，病为祟祸。

变归妹 兄征东燕，弟伐辽西，大克胜还，封君河间。

变丰 播轮折辐，马不得行，竖牛之谗，贼其父兄，布裘不伤，终身无残。

变旅 驾之南海，晨夜不止，君子劳罢，仆使憔悴。

变巽 怨风烧被，仇怒生祸，偏心作难，意如为仇。

变兑 张狂妄行，窃食稻粱，狗吠非主，啮伤我足。

变涣 警蹕戒道，先驱除害，五后亲桑，以率群功，安我祖宗。

变节 门户之食，困无谁告，对门不通，莫所归急，种茂五谷，一花百叶。

变中孚 破敌复完，危者得安，乡善无患，商人有息，利来入门。

变小过 叠叠累累，如歧之室，一身十子，古公治邑。

变既济 三姬治民，不胜其任。两马争车，败坏室家。

变未济 蔽镜无光，不见文章。少女不市，弃其却王。

遁卦第三十三

通 静卦 三涂五岳，阴城太室，神明所保，独无兵革。

变乾 软弱无辅，不能自理。意在外野，心怀劳苦，虽忧无殆。

变坤 周成之隆，刑措无凶，大宰赞佑，君子作仁。

变屯 穴有孤鸟，坎生虾蟆，象出万里，不可得辅。

变蒙 俱为天民，云过吾西，伯氏嫉妒，与我无恩。

变需 三手六目，政多烦惑，皋陶暗聋，乱不可从。

变讼 德积不轻，辞王钧耕，三媒不已，大福来成。

变师 坚固相亲，日笃无患，六体不易，执以安全，雨师驾西，濡我毂轮，张伯李季，各坐关门。

变比 方内不行，辐摧轮伤，马楚蹄甚，受子闵时。

变小畜 畜牧无驹，养鸡不雏，群羊三岁，不生两头。

变履 老耄罢极，无取中值，悬舆致仕，得归乡里。

变泰 缩绪乱丝，手与为哭，越亩逐兔，断其禅褊。

变否 海老水干，鱼鳖尽索，蒿落无润，独有沙石。

变同人 入市求鹿，不见头足，终日至夜，竟无所得。

变大有 筑门壅户，虎卧当道，惊我骅骝，不利出处。

变谦 陶朱白圭，善贾息资，公子王孙，富贵不贫。

变豫 王良善御，伯乐知马，周旋步骤，行中规矩，止息有节，延命寿考。

变随 尧向大舜，圣德增益，使民不惧，安无悚惕。

变蛊 昭公失常，季氏悖狂，逊齐处郛，丧其宠身。

变临 昏暮不行，候待且明，复住止后，未得相从。

变观 安上宜官，一日九迁，升擢超等，收养常心。

变噬嗑 去恶就凶，东西多讼，行者无功。

变贲 老马垂耳，不见百里，君子弗恃，商人莫取，无与为市。

变剥 蜗螺生子，深目黑丑，似类其母，虽或相就，众人莫取。

变复 百足俱行，相辅为强，三圣翼事，王室宠光。

变无妄 容民畜众，履德有信，大人受福，童蒙忧惑，利无所得。

变大畜 左跌右僵，前蹶触桑，其指据石，伤其弟兄，老蚕不作，家无织帛，贵货贱身，久留连客。

变颐 昏人宜明，卖食老昌，国祚东表，号称太公。

变大过 敝筍在梁，鲂逸不禁，渔文劳苦，藏空干口。

变坎 盛中后跌，衰老复辍，盈满减毁，疾羸肥腴昭失国，重耳与主。

变离 折之破瓮，使我困贫，与母生分，别离异门。

变咸 野有积庾，嗇人驾取，不逢虎狼，暮归其宇。

变恒 襁褓孩呱，冠带成家，出门如宾，父母何忧。

变大壮 陈力就列，官职并废，手不胜盆，失其宠门。

变晋 积雪大寒，万物不生，阴制庶士，时本冬贫。

变明夷 龙斗时门，失理伤贤，内畔生贼，自为心疾。

变家人 狗畏猛虎，依人为辅，三夫执戟，伏不敢起，身安无咎。

变睽 南山高岗，回□难登，道里辽远，行者无功。忧不成凶，恶亦消去。

变蹇 逢时阳遂，富且尊贵。

变解 求我所欲，得其利福，终身不辱，盈盛之门，高屋先覆，君一邦国。

变损 安坐至暮，祸灾不到，利诘奸妖，罪人不赦。

变益 胶车驾车，与雨相逢，五婆解堕，顿辘独宿，忧为身祸。

变夬 择日高飞，遂至东齐，见孔圣师，使我和谐。
变姤 陈妫敬仲，兆齐姜，及适营邱，八世大昌。
变萃 缺埒无埒，难从东西，毁破我盆，泛弃酒食。
变升 中夜狗吠，资在庐处，神光佑助，消散归去。
变困 雷车不藏，隐隐西行，霖雨三旬，流为河江，使国
忧凶。

变井 老河空虚，旧井无鱼，利得不饶，避患东邻，祸来
入门，使我悔存。

变革 福德之士，欢悦日喜，夷吾相国，三归为臣，赏流
子孙。

变鼎 清人高子，久屯外野，逍遥不归，思我慈母。

变震 骊騶黑帘，东归高乡，白虎推轮，苍龙把衡，朱雀
导引，灵乌载游，远扣天门，入见其君，马全人安。

变艮 路多枳棘，步刺我足，不利旅客，为心作

变渐 端坐生患，忧来入门，使我不安。

变归妹 小隙之市，利不足喜，二世积仁，蒙其祖先，匪
躬之言，狂悖为患。

变丰 登高望时，见乐无忧，求利南国，与定相得。

变旅 疏足息肩，有所忌难，金城铁廓，以铜为关，藩屏
自卫，安上无忌。

变巽 江水沱泛，思附君子，伯仲受归，不我肯顾，侄娣
悔恨。

变兑 芽孽生达，阳倡于外，左手执籥，公言赐爵。

变涣 云梦苑囿，万物蕃炽。犀象玳瑁，荆人以富。

变节 渠戎万里，昼夜悉苦，吟甲戎服，虽荷不贼，鹰鹯主残，害不能伤。

变中孚 磁基逢时，稷契皋陶，贞良愿得，微子角囚，市空无虎，漫诞妄语。

变小过 骑骝与苍，南贾太行。逢蛟猛虎，为所吞伤，葬于渭阳。

变既济 出门东行，日利时良，步骑与驷，经历宗邦，暮宿北燕，与乐相逢。

变未济 酒为欢伯，除忧来乐，福善入门，与君相索，使我有得。

大壮卦第三十四

大壮 静卦 左有噬熊，右有啗虎，前触铁矛，后蹶强弩，不可抵者。

变乾 金齿铁牙，寿考宜家，年岁有储。贪利者得，离其咎忧。

变坤 家给人足，颂声并作，四夷宾服，干戈吟阁。

变屯 猕猴冠带，盗载非位，众犬嘈吠，狂走厥足。

变蒙 心患其身，不念安存，忠臣孝子，为国除患。

变需 君不明德，臣乱为惑，丞相命马，胡玄失所。

变讼 东行西究，南北无功，张伯买鹿，从者失羊。

变师 鹿下西山，欲归其群，逢羿箭锋，死于矢端。

变比 明夷北初，三日为灾，以谗后归，名曰豎牛，剥乱

叔孙，馁卒虚邱。

变小畜 秦失嘉居，河伯为怪，还其御壁，神怒不佑，织组无文，烧香弗芬。

变履 德至之君，祸不过邻，使我世存，身无患灾。

变泰 众恶之堂，相聚为殃，出毒良人，使道不通。

变否 三痴六狂，欲之平乡，迷惑失道，不知昏明。

变同人 老弱无子，不能自理，郭氏虽忧，终不离咎，管子治国，侯伯来服。乘舆八百，尊祀祖德。

变大有 褒后生蛇，经老皆微，迅跌衰光，酒天黄离。

变谦 骊鬣黑帘，东归高乡，白虎推轮，苍龙把衡，遂至夷伤，不离咎殃。

变豫 信谏龙且，塞水上流，半渡决囊，楚师覆亡。

变随 有萃季女，为王妃后，贵夫寿子，母字四海。

变蛊 德被八表，蛮夷率服，螫贼不作，道无苛慝。

变临 载目精光，骖驾六龙，禄命彻天，封为燕王。

变观 纓急缩颈，行不得前，王不示象，襄霸不成。

变噬嗑 蛇失其穴，载麻当丧，哀悲哭泣，送死离乡。

变贲 回溃不安，兵革为患，掠我妻子，客属饥寒。

变剥 乘风雨桥，与鸟飞俱，一举千里，见我爱母。

变复 雷霆所击，诛者五逆，磨灭无迹，有惧方息。

变无妄 张氏揖酒，请谒左右，王叔枯槁，独不蒙所。

变大畜 坐争立讼，纷纷，卒成祸乱，灾及家公。

变颐 霜降门户，蛰虫隐伏，不见日月，与死为伍。

变大过 鼠聚生怪，为我患悔，道绝不通，商旅失意。

变坎 寒暑不当，轨度失常，一前一后，年岁鲜有。
变离 筑室水上，危于一齿，丑寅不徙，辰卯有咎。
变咸 畜鸡养狗，长息有储，耕田得黍，王母喜舞。
变恒 东壁余光，数暗不明，主母嫉妒，乱我业事。
变遁 刚柔相伤，火烂销金，雕鹰制兔，伐楚有功。
变晋 郑国谗多，数被楚忧，商人愁苦，民困无聊。
变明夷 弓矢斯张，把弹弦折，丸发不至，道遇害患。
变家人 举觞饮酒，未得至口，则弁醉酗，拔剑相怒，武侯作悔。

变睽 苍鹰群行，相得旅前，王孙申公，惊夺我雄，北天门开，神火飞灾，如不敬信，事入尘埃。

变蹇 穿空相宜，利倍我北，循邪诡道，逃不可得，南北望邑，遂旧于室。

变解 寿如松乔，与日月俱，常安康乐，不惧祸尤。

变损 出门望东，伯仲不来，疾病为患，使母忧患。

变益 太姒之孙，周文九子，咸遂受成，宠贵富有。

变夬 桃李花实，累累日息，长大成熟，甘美可食，为我利福。

变姤 婚礼不明，男女失常，行露反言，出争我讼。

变萃 空穿漏敞，破桴残缺，阴弗能完，碎瓦不全。

变升 数穷廓落，困于历室，往登玉堂，与尧侑食。

变困 道湿为坑，轮陷蹶疆，南国作讳，使我多畏。

变井 鰥寡孤独，福禄苦薄，入室无妻，武子哀悲。

变革 举袂覆目，不见日月，衣衾杖几，就其夜室。

变鼎 长尾踞蛇，画地为河，深不可涉，绝无以北，惘然
愤息。

变震 晨风文翰，大举就温，昧过我邑，羿无所得。

变艮 出入节时，南北无忧，行者亟至，在外归来。

变渐 阳氏狂惑，委孙乱愤，陪臣执政，平子拘折，我心
不快。

变归妹 五鸟六鷖，相对蹲蛟，礼让不兴，虞芮争讼。

变丰 顾念所生，隔在东平，遭离满沸，河川决溃，幸得
无恙，复归相室。

变旅 追猎东走，兔逃找后，吾锐不处，独空无有。

变巽 犬吠非主，上下搅扰，敌人袭找，闵王逃走。

变兑 嵩高岱宗，峻直且神，触石肤寸，千里蒙恩。

变涣 陈鱼观社，假荒逾矩，为民开绪，亡其祖考。

变节 四壁无户，三步一止，东南西北，利不可得。

变中孚 求君衣裳，情不可当，触讳西行，为伯生殃。君
之上欢，得其安存。

变小过 春鸿飞东，以马贸金，利可得深。

变既济 禾生虫蠹，还自克贼，使我无得。

变未济 桀乱无道，民散不聚，背室弃家，逃遁出走。

晋卦第三十五

晋 静卦 销锋铸耜，休牛放马，甲兵解散，夫妇相保。

变乾 一衣三冠，无所加元，衣服不成，为我灾患。

变坤 百足俱行，相辅为强，三圣翼事，王室宠光。

变屯 鱼蛇之怪，大人忧惧，梁君好城，失其安居。

变蒙 少无强辅，长不见母，劳心远思，看伤忧苦。

变需 前涉溽暑，解不可取，离河三里，败我利市，老牛病马，去之何悔。

变讼 君明有德，登天大禄，布政施惠，以成恩福，中子南游，翱翔未复。

变明夷 晓然唯诺，敬上宾客，执恭除患，御侮致福。

变小比 黍稷禾稻，垂秀方造，中旱不雨，伤风病藁。

变小畜 三羸六罢，不能越跑，东贾失马，往反劳苦。

变履 倚立相望，引领欲庄，阴云蔽日，暴雨所集，阻我欢会，使道不通。

变泰 高脚疾走，受肩善趋，月走千里，贾市有得。

变否 北风寒凉，雨雪益冰，忧思不乐，哀悲伤心。

变同人 贞鸟鸣鸠，执一无尤。寝门治理，君子悦喜。

变大有 蓼萧露穰，君子龙光。鸣鸾嚶嚶，福禄同来。

变谦 南行求福，与喜相得。封受上赏，鼎足辅国。

变豫 桑华腐蠹，衣敝如络。女功不成，丝布为玉。

变随 左服易右，王良心欢，喜利从己。

变蛊 寿考不忘，驾骅东行。之适陈宋，南贾楚荆，得利息长，旅身多罢，畏昼喜夜。

变临 羔羊皮弁，君子朝服，辅政扶德，以合万福。

变观 鸠徙巢，西至平州，遭逢雷电，破我苇芦，室家饥寒，思我故初。

变噬嗑 大尾小头，重不可摇。上弱下强，阴制其雄。

变贲 疏足息肩，有所忌难，金城铜郭，以铁为关，藩屏自卫，安止无患。

变剥 天命元鸟，下生大高，造定四表，享国久长。

变复 赋敛重数，政为民贼，杼轴空虚，家去其室。

变无妄 阴阳隔寒，许嫁不答，宛邱新台，悔往叹息。

变大畜 愿望登虚，意常欲逃，贾辛丑恶，妻不安夫。

变颐 行窃视，有所畏避，蔽目伏藏，以夜为利。

变大过 信敏荣谦，敬鬼尊神，五岳四渎，克厌帝心，受福宜年。

变坎 悬悬南海，去家万里，飞兔腰袅，一日见母，除我忧悔。

变离 虽污不辱，因何洗足，童子褰衣，五年平复。

变咸 宫成立见，衣成缺裾，恭谦自卫，终无祸尤。

变恒 敝笱在梁，不能得鱼，望食千里，所至空虚。

变遁 千里骅骝，为王服车，嘉其骊荣，君子有成。鼎足承德，嘉谋生福，为王开庭，得心所欲。

变明夷 右手无合，独折左指，禹汤失佐，事功弗立。

变家人 忧凶憎累，患近不解，心意西东，事无成功。

变睽 东行食榆，困于枯株，失妻无家，志穷为忧。

变蹇 五纪六纪，仁道所在，正月繁霜，独不离咎。

变解 懈缓不前，延怠失便；二至不戒，家无祸凶，刻木拟形，闻言不信。

变损 仁爱笃厚，不以所贫，害其所子，徙我旧都，日益

富有。

变益 缺破不成，胎卵未生，弗见兆形。
变夬 摧角不伤，虽折复长，秉德无愆，老赖荣光。
变姤 乘桴渡海，免脱厄中，虽困无咎。
变萃 孔鸾鸳鸯，鸬鹚鹈鴂，翱翔紫渊，喜禾之围，君子

以娱。

变升 众来得愿，甘露温润，乐易君子，不逢祸乱。
变困 东骑跌落，千里独宿，高峰为谷，阴失其室。
变井 八才既登，以成善功，龙降庭坚，国无忧凶。
变革 邯郸反言，父兄生患，竟涉忧恨，卒死不还。
变鼎 五锐铁颐，仓库空虚，贾市无盈，与利为仇。
变震 白鸟衔饵，呜呼其子，施权张翅，来从其母。
变艮 学灵三年，圣且明神。先凡善祥，嘉吉福头，饵吉

知来，告我无咎。

变渐 云孽蒸起，失其道理，伤害年谷，神君之精。
变归妹 春耕有息，秋入别福。献豺大，以乐成功。
变丰 羸豕蹢躅，虎入都邑。遮褐左右，国门救急。
变旅 东行西维，南北善迷，逐旅失群，亡我襦衣。
变巽 居室之伦，夫妇私亲，小人乘车，硕果失豢。
变兑 东方孟春，乘冰戴贫，危不安，终身所欢。
变涣 凤吹尘起，千里无所，南国年伤，不可安处。
变节 重载伤车，妇女无夫，三十不室，独坐空庐。
变中孚 败牛羸马，与得为市，不我嘉喜。
变小过 日出阜东，山蔽其明，章甫存履，箕子佯狂。

变既济 出入门所，与道开通，杞梁之信，不失月中，少季渡江，来归其邦，疾病危亡。

变未济 邑岳卫师，如转蓬时，居之凶危。

明夷卦第三十六

明夷 静卦 他山之错，与璆为仇，来攻吾城，伤找肌肤，邦家骚乱。

变乾 践履寒冰，十步九寻，虽有苦痛，不为忧病。

变坤 太公避纣，七十隐处，卒逢圣文，为王室辅。

变屯 日月之涂，所行必到，无有患晦。

变蒙 讽德颂功，美周盛隆，但辅成周，光济冲人。

变需 童女无室，未有配合，空坐独宿。

变讼 穿鼻系株，为虎所拘。王母祝祠，祸不成灾，遂然脱来。

变师 黄帝神明，八子圣聪，佚受大福，天下平康。

变比 深谷为陵，衰者复兴，乱倾之国，民得安息，中妇病困，遂入冥室。

小畜 道远辽绝，路宿多悔，顽嚚相聚，生我畏忌。

变履 旦树蔽豆，暮成霍羹，心之所乐，志快心欢。

变泰 切切之患，凶忧不成，虎不敢啗，利当我身。

变否 王伯远宿，长妇在室，异庖待食，所求不得。

变同人 寒燠失时，阳旱为灾，虽耗无忧。

变大有 虽穷复通，履危不凶，保其明功。